

# Water Restrictions - Niuean Translation



## **Fakakaupaaga Vai Levolo 1 - Fakaaoga ni e vai gana he tau aho ke uaaki**

Kaeke ke nofo a koe he fale ne lautatai e tau numera, maeke ni i a koe ke fakaaoga e tau vai gana po ke tau puhala fakamalu akau he tau aho ne fetatai e tau numera he tau matahola 6 ke he 8 pogipogi mo e 7 ke he 9 afiafi. Kaeke ke nofo a koe he fale ne fekehekeheaki e numera, tatai ni e poakiaga ma e tau aho ne fekehekeheaki e tau aho.

Ko e tau vai gana mo e tau puhala fakamalu akau ne fakakaupa ke he tau matahola nei ke lagomatai ke tukutuku hifo e mamiti he vai ha ko e vela he aho.

Lagomatai he puhala nei ke vevehe ua e fakaaogaaga vai he tau fale ne fekehekeheaki mo e fetataiaki e tau numela, mo e lagomatai foki ke tautaofi e fakaaoga ke he vai he tau aho takitaha.

Maeke i a koe ke fakaaoga e tau lakau fakamalu akau ha magaaho ni, ha aho ni, ka e aua neke fakatoka ka e nakai leveki ki ai.



## **Fakakaupaaga Vai Levolo 2 - Nakai fai vai gana po ke vai fakamalu. Fakaaoga ni he tau lima ke fakamalu haau a pa lakau.**

Nakai fakaata e tau puhala fakamalu akau ka nakai leveki. Maeke i a koe ke fakamalu lima haau a pa lakau ha magaaho ni, ha aho ni, ka e nakai fakatoka e haau a hosi pa lakau po ke lakau fakamalu ka e nakai nofo he tapa ke leveki.



## **Fakakaupaaga Vai Levolo 3 - Taofi mo e aua neke fakaaoga e vai i fafo he haau a kaina nofo**

Ha i ai e taha poakiaga ne taofi nakai maeke ke fakaaoga e vai i fafo he tau kaina nonofo. Maeke e tau faahi gahua pisinisi ke matutaki e tau gahua fa mahani, ka e fakamolemole ti fakaaoga fakamitaki mo e fakalotomatala e vai.

Muitua ke he tau fakakaupaaga Levolo 3 ke tukutuku hifo mo e nakai hagahaga kelea ke hoko atu ke he Levolo 4. Pete ni e maeke i a koe ke leveki e vai he falu faahi, aua ne ke tukutuku hifo e haau a vai inu.



## **Fakakaupaaga Vai Levolo 4 - Taofi oti e fakaaoga he vai i fafo, tukutuku hifo e fakaaoga vai i fale**

Ko e kakano he Fakakaupaaga Vai Levolo 4 ha kua ku lahi e vai. Ka hoko ke he Levolo 4 kua taofi oti e fakaaoga he vai i fafo, mo e kua lata ke tukutuku hifo e fakaaoga he vai i fale ke lahi e vai ke fakaaoga aulao.

Ke lagomatai ke leveki e vai, kua lata ke taofi oti e fakaaoga he vai i fafo, taki 2 ni e minute ke saoa mo e fakakaupa ke he taha ni e lau unu he taha e tagata he taha e faahi tapu. Ka maeke i a koe ke leveki ke mau e tau valavai he falu faahi, aua ne tuku hifo e fafatiaga valavai inu haau.